





第一四九三册

四庫全書

● 上海古籍出版社

本冊目次

御選歷代詩餘(三)

詞

綜

清 沈辰垣等奉敕編……一

清 朱彝尊編……四二七

欽定四庫全書

集部
御選歷代詩餘卷八十五

詳校官中書臣潘有為
侍讀臣孫球覆勘

總校官進士臣朱 鈐
校對官中書臣徐秉敬
謄錄監生臣張 玟

欽定四庫全書

御選歷代詩餘卷八十五目錄起一百七字至一百八字

傾杯樂 又一體

柳永

前調 又一體

張先 二首

望海潮

柳永

欽定四庫全書

御選歷代詩餘
卷八十五目錄

秦觀 二首

張元幹

史嵩之

石孝友

趙可

折元禮

鄧千江

前調 又一體

秦觀

晁補之

呂渭老

李叔房

施紹莘

陸楫

角招

趙以夫

欽定四庫全書

御選歷代詩餘
卷八十五目錄

女冠子 又一體

康與之

惜黃花慢

楊无咎

大聖樂 又一體

周密

一萼紅

李彭老

尹濟翁

劉基

望湘人

賀鑄

楊基

選冠子

呂渭老 二首

飛雪滿羣山 又一體

欽定四庫全書

御選歷代詩餘
卷八十五目錄

蔡伸

一萼紅 又一體

姜夔

王沂孫 五首

張炎 三首

劉天迪

陶宗儀

錢繼章

馮鼎位

前調 又一體

無名氏

薄倖 又一體

賀鑄

呂渭老

韓元吉

毛幵

欽定四庫全書

御選歷代詩餘
卷八十五目錄

沈端節

一寸金

周邦彥

吳文英

陳允平

傾杯樂 又一體

柳永

前調 又一體

柳永

前調 又一體

柳永

惜黃花慢 又一體

吳文英 二首

前調 又一體

趙以夫

泛清苕

欽定四庫全書

御選歷代詩餘
卷八十五目錄

張先

御選歷代詩餘卷八十五目錄

欽定四庫全書

御選歷代詩餘卷八十五起一百七字

司經局洗馬堂古書宋翰林院修撰加二級臣王堯清奉

旨校刊

傾杯樂

又一體雙調一百七字或作方傾杯

傾杯樂

柳永

凍水消痕曉風生暖春浦東郊道遲遲淑煙和露偏

欽定四庫全書

御選歷代詩餘卷八十五

潤長堤芳草斷鴻隱歸飛江天杳杳逆山巖色妝眉

淡掃目極千里閒倚危檣迴眺動幾許傷春懷花念

何處韶陽偏早想帝里看看名園芳榭爛漫鶯花好追

思往昔年少繼日恁把酒聽歌量金買笑別後暗負光

陰多少

前調

張先

橫塘水靜花窺影孤城轉浮玉無塵五亭爭景畫橋對

起垂虹不斷愛溪上瓊樓凭雕閣坐久飛雲遠人在虛

空月生溟海寒魚夜汎游鱗可辨正是草長蘋老江

南地暖汀洲日晚更茶山已過清明風雨暴千巖啼鳥

怨芳菲故苑深紅盡綠葉陰濃青子枝頭滿使君莫放

尋春緩

前調

張先

飛雲過盡明河淺天無畔草色樓螢霜華清暑輕颺弄

袂澄澗拍岸宴玉塵譚賓倚瓊枝香挹雕觴滿午夜中

秋十分圓月香槽撥鳳朱絃軋鴈正是欲醒還醉臨

欽定四庫全書

御選歷代詩餘卷八十五

空悵遠壺更疊換對東西數里迴塘恨零落芙蓉春不

管籠燈待散誰知道座有離人目斷雙歌伴煙江艇子

歸來晚

望海潮

雙調一百七字

望海潮

柳永

東南形勝三吳都會錢塘自古繁華煙柳畫橋風簾翠

幙參差十萬人家雲樹遠堤沙怒濤捲霜雪天塹無涯

市列珠璣戶盈羅綺競臺奢 重湖疊嶂清嘉有三秋
桂子十里荷花羌管弄晴菱歌汎夜嬉嬉釣叟蓮娃千
騎擁高牙乘醉聽簫鼓吟賞煙霞異日圖將好景歸去
鳳池誇

前調 廣陵懷古

秦觀

星分牛斗疆連淮海揚州萬井提封花發路香鶯啼人
起朱簾十里春風豪俊氣如虹曳照春金紫飛蓋相從
巷入垂楊畫橋南北翠煙中 追思故國繁雄有迷樓
欽定四庫全書 御選歷代詩餘 卷八十五

前調 越州懷古

秦觀

秦峰蒼翠耶溪瀟灑千巖萬壑爭流鴛瓦雉城譙門畫
戟蓬萊燕閣三休天際識歸舟汎五湖煙月西子同遊
茂草荒臺亭蘿村冷起閒愁 何人覽古凝眸悵朱顏
易失翠被難留梅市舊書蘭亭古墨依稀風韻生秋狂

客鑑湖頭有百年臺沼終日夷猶最好金龜換酒相與
醉滄洲

前調 賦碧雲樓

張元幹

蒼山煙澹寒溪風定玉簪羅帶綢繆輕靄暮飛青冥遠
淨珠星壁月光浮城際湧層樓正翠簾高捲綠瑣低鈎
影落草嘉氣和歌管共清遊 使君冠世風流擁香艷
凭檻霧鬢凝眸銀燭映宵花光照席譙門莫報更籌逆
興醉無休賦探梅芳信翻曲新謳想見疎枝冷蕊春意
到沙洲 欽定四庫全書 御選歷代詩餘 卷八十五

前調 浮遠堂

史嵩之

危岑孤秀飛軒英豁空江泱泱黃流吳札故丘春申舊
國西風吹換清秋滄海浪花初收共登高臨眺尊俎網繆
鳳集高岡駒留空谷接英游 八牕盡控瓊鈎送帆檣
杳杳潮汐悠悠今古興懷關河極目愁邊滅沒輕鷗淮
岸隔重洲認淡霞天末一縷青浮未許英雄老去西北
是神州

前調

石孝友

離情水泮歸心雲擾點然凝竚江皋柳色搖金梅香弄
粉依稀滿眼春嬌常記極遊遊更與持玉笋因解金貂
郎去瞿塘妾家巫峽水迢迢 別來暗減風標奈碧雲
暗斷翠被香銷春草生池芳塵凝榭淒涼月夕花朝千
里夢魂勞但烏啼渡口猿響山椒擬把無窮幽恨萬疊
寫霜綃

前調

趙可

欽定四庫全書 御選歷代詩餘 卷八十五
雲垂餘髮霞拖廣袂人間自有飛瓊三館俊游百街高
逡翩翮老阮才名銀漢會雙星尚相看脈脈似隔盈盈
醉玉添春夢雲同夜惜卿卿 離觴草草同傾記靈犀
舊曲曉枕餘醒海外九州郵亭一別此生未卜他生江
上數峰青悵斷雲殘雨不見高城二月遼陽芳草千里
路傍情

前調

從軍舟中作

折元禮

地雄河岳疆分韓晉潼關高壓秦頭山倚斷霞江吞絕

壁野煙縈帶滄洲虎旆擁貔貅看陣雲截岸霜氣橫秋

千雉巖城五更殘角月如鉤 西風曉入貂裘恨儒冠

誤我却羨兜鍪六郡少年三關老将賀蘭烽火新收天

外嶽連樓想斷雲橫曉誰識歸舟刺著黃金換酒鷓鼓

醉涼州

前調 獻張太尉

鄧千江

雲雷天塹金湯地險名藩自古皋蘭營屯繡錯山形米

聚襟喉百二秦關慶戰血猶殷見陣雲冷落時有鷓盪

靜塞樓頭曉月依舊玉弓彎 看看定遠西還有元戎

間今上將齋壇區脫晝空兜鍪夕解甘泉又報平安吹

笛虎牙閑且宴陪珠履歌按雲鬟招取英靈毅魄長遠

賀蘭山

前調 又一體 洛陽懷古

秦觀

梅英疎淡冰漸溶洩東風暗換年華金谷俊遊銅駝巷

陌新晴細履平沙長記誤隨車正絮翻蝶舞芳思交加

柳下桃蹊亂分春色到人家 西園夜飲鳴笳有華燈

礙月飛蓋妨花蘭苑未空行人漸老重來事事堪嗟煙
暝酒旂斜但倚樓極目時見棲鴉無奈歸心暗隨流水
到天涯

前調

揚州芍藥會作

晁補之

人間花老天涯春去揚州別是風光紅藥萬株佳名千
種天然浩態狂尊貴御衣黃未便教西洛獨占花王
困倚東風漢宮誰敢鬪新妝 年年高會江陽看家誇
絕豔人說奇芳結蕊當屏聯詠就幄紅遮綠遠華堂花
欽定四庫全書

御選歷代詩餘卷八十五

七

在仙鄉

前調

呂渭老

側寒輕雨微燈薄霧匆匆過了元宵簾影護風盆池見
日青青柳葉未條碧草皺裙腰正晝長煙暖蠶困鶯嬌
望處淒迷半蒿綠水浸斜橋 孫郎病酒無聊記烏絲
醉語碧玉風標新燕又雙蘭心漸吐嘉期趁取花朝心
事轉迢迢但夢隨人遠心與山遙悞了芳音小牕斜日

對芭蕉

前調

李叔房

櫻桃欲暖芭蕉乍綠柳梢風老鶯黃眼底天涯眉間心
上春光恁解相妨新燕一雙雙問歸來冒雨直為花忙
一段黃昏隨他帶上小紗窓 多情病酒誰行任風流
腸肚愛作情郎薄倖怎生英雄端的等閒悞了吳娘空
令憶難忘恨燈花負夜月色欺廊夢斷梨雲峭寒風起
五更長

欽定四庫全書

御選歷代詩餘卷八十五

八

前調

早春

施紹莘

梅魂剛返柳思才蕩輕藍薄粉池塘整頓幅巾安排藤
杖春游已費商量又挑動詩腸擬燒燈賽月刻燭催餽
煙暮風朝總教花月襯文章 東軒密帳明牕有流蘇
帶緩錦瑟絲張椒酒餘杯釵橫壓鬢黃金小鴨添香私
祝賀檀郎願年年綠鬢酒聖花狂儂儘甘心典壽分燭
夜深忙

前調

陸桴

江帆飛鷁汀莎沒，鴈玉人方上皇州。酒泛霞觴潮生煙，浦那堪淚灑蘋洲。雲樹兩悠悠，蓬牕迷岸草，一任夷猶。羨爾詞源倒傾三峽，楚天秋。清時肯卧林丘，看詩題杏苑，名徹宸旒。朔月關心，燕風刮耳，誰云悔覓封侯。壯志奮吳鉤，故園芳草，合魚鳥含愁。何日京塵夜，酤清醕，瀉淋頭。

角招

雙調一百七字，趙以夫自注梅詞云：姜夔製角招徵招二曲，余以角招賦梅。古樂府有大小梅花皆徵定四庫全書。

角聲

角招梅

趙以夫

曉寒薄，苔枝上翦成萬點冰。夢暗香無處，著立馬斷魂。晴雪蘼落，橫溪略約，恨寄驛音書，遠遶沙遠揚州東閣。風流舊日，何郎想依然林壑。離索引杯自酌，相看冷淡一笑人，如削水雲寒。漠漠底處，羣仙飛來，霜鷓芳姿綽約。正月滿瑤臺，珠箔徙倚闌干，寂寞盡分付許多愁。城頭角。

女冠子

又一體雙調一百七字

女冠子

康與之

火雲初布，遲遲永日，炎暑濃陰。高樹黃鸝，葉底羽毛學整。方調嬌語，薰風時漸動，峻閣池塘，芰荷爭吐。畫梁紫燕對對，銜泥飛來又去。想佳期容易成，辜負共人。人同上畫樓，對香醕恨花無主。卧象牀，犀枕成何情緒。有時魂夢斷，半牕殘月透，簾穿戶。去年今夜，扇兒扇我，情人何處。

徵定四庫全書

御選歷代詩餘卷八十五

惜黃花慢

雙調一百七字

惜黃花慢

楊无咎

霽空如水，觀落木墜紅遙。山堆翠，獨立閒階，數聲蟬度。風前幾點，雁橫雲際。已涼天氣未寒時，問好處一年誰記。笑聲裏，摘得半釵金蕊來至。橫斜為掃，烏紗更抹。碎泛入金尊，瓊蟻滿酌霞觴，願人壽百千可奈。此時情。

味牛山何必獨沾衣對佳節惟應懽醉看睡起曉蝶也

愁花頰

大聖樂

又一體雙調
一百七字

大聖樂 東園
殘春

周密

嬌綠迷雲倦紅顰曉嫩晴芳樹漸午陰簾影移香燕語
夢回千點碧桃吹雨冷落錦衾歸後記前度蘭橈停翠
浦凭闌久漫凝矧鳳翹慵聽金縷 留春問誰最苦奈

欽定四庫全書

御選歷代詩餘
卷八十五

十一

花自無言鶯自語對畫樓殘照東風吹遠天涯何許怕
折露條愁輕別更煙暝長亭啼杜宇垂楊晚但羅袖晴
沾飛絮

一萼紅

雙調一
百七字

一萼紅 寄升
陽翁

李彭老

過菖蕖正風暄雲澹春去未多時古岸停橈單衣試酒
滿眼芳草斜暉故人老經年賦別燈暈裏相對夜何其

泛剡清愁買花芳草一卷新詩 流水孤航漸遠想家
山猿鶴喜見重歸北阜尋幽青津問釣多情楊柳依依
最難忘吟邊舊語數菖蒲老是來期幾夕相思蝶夢飛

遠蘋溪

前調

尹濟翁

玉搔頭是何人敲折應為節秦謳棐几朱絃翦燈雪藕
幾回數盡更萼草草又一番春夢夢覺了風雨楚江秋
却恨閒身不如鴻雁飛過妝樓 又是水枯山瘦數迴

欽定四庫全書

御選歷代詩餘
卷八十五

十三

腸難貯萬斛新愁懶復能歌那堪對酒物華冉冉都休
江上柳千絲萬縷惱亂人更忍疑眸猶怕月來弄影莫
上簾鈎

前調

劉基

白蘋洲有蘆花似雪人在木蘭舟祖帳方開驪歌未闕
斜照半入江樓話不了纏綿意緒早歸鴻相喚落沙頭
紅蓼丹楓青煙碧草總為供愁 此去幾時重見悵穰
華易謝零雨難收洛浦波空渭城柳盡欲飲還又迴眸

恨只恨無情海水趁歸風
輒向西流畢竟難留一宵長
似三秋

望湘人

雙調一百七字

望湘人

賀鑄

厭鶯聲到枕
花氣動薰醉魂愁夢相半
被惜餘熏帶驚
剩眼幾許傷春
春晚淚竹痕鮮佩蘭香老
湘天濃暖記
小江風月佳時
屢約非煙游伴
須信鸞絃易斷
奈雲

欽定四庫全書

御選歷代詩餘卷八十五

十三

和再鼓曲終人遠
認羅幃無蹤舊處
弄波清淺青翰棹
橫白蘋洲畔
儘目臨臬飛觀不鮮寄一字相思
幸有歸來雙燕

前調 詠塵

楊基

愛輕隨馬足
深輦繡輪落花飛絮相和
紫陌春晴東華
風暖拂拂嫩紅
掀菰羅襪微生素衣
曾染閒愁無那看
補巢燕子銜將
細雨香泥重做
誰向花前行
過見金蓮蹤跡尚留此箇
無處覓佳音
贏得兩眉低鎖茂宏何

事猶携紈扇却恐西風相浣
且歸去綠樹陰中淨掃青苔高卧

選冠子

一名過秦樓一名蘇武慢一名惜餘春亦名惜餘春慢雙調一百七字字數句法不齊亦有平韻者

選冠子

呂渭老

雨濕花房風斜燕子池閣書長
春晚檀盤戰象寶局鋪
棋籌畫未分還懶誰念少年
齒怯梅酸病疎霞盞正青
錢遮路綠絲明水倦尋歌扇
空記得小閣題名紅牋

欽定四庫全書

御選歷代詩餘卷八十五

十四

親製燈火夜深裁翦
明眸似水妙語如絃
不覺曉霜雞喚
聞道近來
筆譜慵看金鋪長掩
瘦一枝梅影回首江南路遠

前調

呂渭老

風約晴雲花乾宿霧
簾幕萬家清曉青帘
賽酒小塢藏春
治葉豔枝相照
羊駕小車笑逐遊人
遠迷芳草更紅英
飛舞繡茵連接
霧臺煙沼年少日
細馬羸羈紅鞵玉帶
同指軟塵西笑
珍珠戲擲彩筆
搜奇不覺暮春鶯

老誰見這回霜點染衰事繁懷抱訴一春心事燕子周遮來了

飛雪滿羣山

又一體雙調一百八字亦名扁舟尋舊約

飛雪滿羣山

蔡伸

水結金壺寒生羅暮夜闌霜月侵門翠筠敲竹疎梅弄影數聲鴈過南雲酒醒歌繁枕愴然猶有殘妝淚痕繡衾孤擁餘香未滅猶是那時熏長記得扁舟尋舊約

欽定四庫全書

御選歷代詩餘卷八十五

十五

聽小牕風雨燈火黃昏錦裯纔展瓊籤報曙寶釵又是輕分黯然携手處倚朱箔愁凝黛顰夢回雲散山遙水遠空斷魂

一萼紅

又一體雙調一百八字

一萼紅人日登長沙定王臺

姜夔

古城陰有官梅幾許紅萼未宜簪沁面水膠牆腰雪老雲意還又沈沈翠藤共閒穿徑竹漸笑語驚起卧沙禽

野老林泉故王臺榭呼喚登臨南去北來何事蕩湘雲楚水目極傷心朱戶黏難金盤簇燕空歎時序侵尋記曾共西樓雅集想垂柳還長萬絲金待得歸鞍到時只怕春深

前調

石屋探梅

王沂孫

思飄飄擁仙姝獨步明月照蒼翹花候猶遲度陰不掃門掩山意蕭條抱芳恨佳人分薄似未許芳魄化春嬌雨濕風慳霧輕波細湘夢迢迢誰伴碧尊離組歡瓊

欽定四庫全書

御選歷代詩餘卷八十五

十五

肌皎皎綠鬢蕭蕭青鳳啼空玉龍舞夜遙睇河漢光搖未須賦疎香淡影且同倚枯蘚聽吹簫聽久餘音欲絕寒透鮫綃

前調

赤城山中題梅花卷

王沂孫

玉嬋娟甚春餘雪盡猶未跨青鸞踈萼無香柔條獨秀應恨流落人間記曾照黃昏淡月漸瘦影移上小闌干一點清魂半枝寒色芳意斑斑重省嫩寒清曉過斷橋流水問訊孤山水骨微消塵衣不浣相見還誤輕攀

未須訝東南倦客掩鉛泆看了又重看故國吳天樹老
雨過風殘

前調 紅梅
二首

王沂孫

占芳非趁東風嫵媚重拂淡胭脂青鳳銜丹瓊奴試酒
鶯換玉質冰姿甚春色江南太早有人怪和雪杏花飛
蘚佩蕭疎茜裙零亂山意羅罪空惹別愁無數照珊
瑚海影冷月枯枝吳豔離魂蜀妖泥淚孤負多少心期
歲寒事無人共省破丹霧應有鶴歸時可恨鮫綃碎翦
欽定四庫全書

御選歷代詩餘
卷八十五

七

不寄相思

前調

王沂孫

翦丹雲怕江皋路冷千疊護清芬彈淚綃單凝妝枕重
驚認消瘦冰魂為誰趁東風換色任絳雪飛滿綠羅裙
吳苑雙身蜀城高髻忽到柴門欲寄故人千里恨燕
支太薄寂寞春痕玉管難留金尊易泣幾度殘醉紛紛
漫重記羅浮夢覺步芳影如宿杏花村一樹珊瑚澹月
獨照黃昏

前調 初春
懷舊

王沂孫

小庭深有蒼苔老樹風物似山林侵戶清寒指池急雨
時聽飛過鳴禽場荒逕殘梅似雪甚過了人日更多陰
壓酒人家試燈天氣相火登臨猶記舊遊亭館正垂
楊引縷嫩草抽簪羅帶同心泥金半臂花畔低唱輕斟
又爭信風流一別念前事空惹恨沈沈野服山筇醉賞
不似如今

前調 紅梅

張炎

欽定四庫全書

御選歷代詩餘
卷八十五

六

倚闌干問綠華何事偷解九還丹流錦溪邊餐霞竹裏
翠袖不倚天寒照芳樹晴光泛曉護么鳳無處認冰顏
露洗春腴風搖醉魄聽笛江南樹挂珊瑚冷月歎玉
奴妝褪仙掾詩慳漫覓花雲不同梨夢推篷恍記孤山
步夜雪前村問酒幾消凝把做杏花看得似古桃流水
不到人間

前調 弁陽
翁

張炎

製荷衣傍山牕小隱雅志可閒時欵竹門深移花檻小

動人芳意非菲怕冷落賞洲夜月想時將漁笛靜中吹
塵外柴桑燈前兒女笑語忘歸 分得煙霞數畝乍埽
苔尋徑撥葉通池放鶴幽情吟鶯歡事老去却願春遲
愛吾廬琴書自樂好襟懷初不要人知長日一簾芳草
一卷新詩

前調 東季博 園池

張 炎

槎孤篷正叢篁護碧水曲池通 徬徬穿屐纒盤尋徑
忽見倒影凌空擁一片花陰無地細看來猶占舊春風
欽定四庫全書 御選歷代詩餘 卷八十五 十九
勝事園林故家陶謝詩酒相逢 眼底煙霞無數料神
仙即我何處崆峒清氣分來生香不斷洞戶自有雲封
認奇字摩挲峭石聚萬景只在此山中人倚虛闌喚鶴
月白千峰

前調

劉天迪

擁孤衾正朔風淒緊連帳夜驚寒春夢無憑秋期又悞
迢遞煙水雲山斷腸處黃茅瘴雨恨馳馬憔悴只空還
揉翠盟孤啼紅怨切暗老朱顏 堪歎揚州十載甚倡

條冶葉不省春殘 蔡琰悲茄昭君怨曲何預當日悲歡
漫贏得西鄰倦客空惆悵今古上眉端夢破梅花角聲
又報更闌

前調 紅梅

陶宗儀

水雲鄉又南枝逗暖綽約漢宮妝春豔濃分朱鉛淺試
翠袖獨倚修篁想應道東風料峭翦霞彩零亂補綃裳
勾漏尋真丹丘授訣傲睨冰霜 畢竟孤標還在縱天
桃繁香難侶寒香瑤瑤坡頭珊瑚樹底江南別是春光
且莫倚高樓玉管怕輕盈飛去誤劉郎依舊小牕踈影
淡月昏黃

欽定四庫全書 御選歷代詩餘 卷八十五 二十

前調

錢繼章

步兵厨有薄冠而隱痛飲者誰乎思發花前人歸雁後
春山雪意平鋪漸漸見草迴沙暖正閑身生計厭煎漁
愜意除非調琴弄鶴壘石穿渠 手把離騷一卷儘黃
昏排遣白日消磨高閣藏書矮軒傲竹清風時拂吾廬
還記取前身緱嶺謫文園今作老相如且趁踈煙冷月